



中興以來絕妙詞選卷之四

宋詞

吳子和

名礼之號順受老人錢塘
人有詞五卷鄭國輔序之

喜迂鶯閏元宵

銀蟾光彩喜稔歲閏正元宵還再樂事難并佳時罕
遇依舊試灯何礙花市又移星漢蓮炬重芳入海盡
勾引徧嬉遊寶馬香車喧隘○晴快天意教入月更
圓償足風流債媚柳煙濃天桃紅小景物迥然堪愛
巷陌笑聲不斷襟袖餘香仍在待婦也便相期明日

吳子和

詞選卷之四



踏青挑

醜女兒秋別

金風顫葉那更餞別江樓聽淒切陽闌聲斷楚館雲
收去也難留萬重煙水一扁舟錦屏羅幌多應換得
蓼岸蘋洲○疑想恁時歡笑傷今萍梗悠○謾回首
妖饒何處眷戀無由先自悲秋眼前景物只供愁寂
寥情緒也恨分淺也悔風流

杏花天春思

悶來凭得闌干暖自手引朱簾高捲桃花半露胭脂
面芳草如茵乍展○煙光散湖光潏灩映綠柳黃鸝

巧轉遙山好似宮眉淺人比遙山更遠

雨中花

春濃恩重長離永別憑誰為返香魂憶湘裙霞袖杏
臉櫻唇眉掃春山淡○眼裁秋水盈○便如何忘得
溫柔情態恬靜天真○凭闌念及夕陽西下暮煙四
起江村漸入夜踈星映柳新月籠雲醞造一生清瘦
能消幾箇黃昏斷腸時候簾垂深院人掩重門

瑞鶴仙秋思

風傳秋信至顫葉○庭梧飄零堦砌年華迅流水况
榮枯翻手存亡彈指誰編故紙論古往英雄鬪智在

當時喚做功名。到此盡成閑氣。○何謂生為行客。死乃歸人。世同驛邸。十步九計。空撈攘。謾兒戲。忍都將有限光陰。縈絆。趁逐無窮天地。我直須跳出樊籠。做箇俏底。詞鄙意高

驀山溪感舊

劉郎老矣。倦入繁華地。觸目愈傷情。念陳迹。人非物是。共誰携手。落日步江村。臨遠水。對遙山。閑看煙雲起。○買牛賣劍。便作兒孫計。朋舊自榮華。也怜我。無名無利。簞瓢鍾鼎等。是百年身。空妄作。枉迂回。貪愛從今止。

風入松江景

蘋汀蓼岸。荻花洲。占斷清秋。五湖景物。供心眼。幾曾有一點。閑愁。夢裏。胡蝶。竟來葉。漁舟。○謝郎隨分。揔優游。信任沉浮。恬然雲水。無貪吝。笑腰纏騎鶴。揚州。只恐丹青妙筆。寫傳難盡。風流。

漁家傲閨思

紅日三竿鶯百轉。夢回鴛枕。離魂亂。料得玉人腸已斷。眉峯斂。曉粧鏡裏春愁滿。○綠瑣窗深。難見面。雲牋謾寫教誰傳。聞道笙歌。歸小院。梁塵顫。多因唱我新詞勸。

蝶恋花 春思

睡思厭_二鶯喚起。簾卷東風。猶未忺梳洗。眼細眉長
雲擁髻。笑垂羅袖熏沈水。○媚態盈_二閑舉止。只有
江梅清韻能相比。詩酒琴棋歌舞地。又還同醉春風
裏。

蝶恋花 別恨

急水浮萍風裏絮。恰似人情。恩愛無憑據。去便不來
_二便去到頭畢。竟成輕負。○簾卷春山朝又暮。鶯燕
空忙不念花無主。心事萬千誰與訴。斷雲零雨知何
處。

蝶恋花 春思

滿地落紅初過雨。綠樹成陰。紫燕風前舞。烟草低迷
縈小路。昼長人靜扃朱戶。○沉水香銷新剪苧。歌枕
朦朧。花底聞鶯語。春夢又還隨柳絮。等閑飛過東墻
去。

桃源憶故人 春暮

画橋流水飛花舞。樓外斜風細雨。紅瘦綠肥春暮。腸
斷桃源路。○惟隨仙子乘鸞去。鏤月裁雲何處。唯有
病和愁緒。肯伴劉郎住。

謁金門 春晚

吳子和

詞選卷四

四

風乍扇。簾外落紅千片。飛盡落花春不管。鬪忙鶯與燕。○往事上心撩亂。睡起日高猶倦。料得伊家情眷。○近來長夢見。

霜天曉角

王生陶氏月夜共沈西湖賦此吊之

連環易缺難解同心結。癡騃佳人才子。情緣重怕離別。○意切人路絕。共沈烟水闊。蕩漾香魂何處。長橋月斷橋月。

霜天曉角

秋景

西風又急。細雨黃花濕。樓枕一篙煙水。蘭舟漾。画橋側。○念昔空淚滴。故人何處覓。魂斷菱歌。淒怨踈簾。

卷暮山碧

生查子

浙江

吳山與越山相對摩。今古裊纜。浙江亭回首。西興渡。

○區區名利人。無分香閨住。匆遽促征鞍。又入臨平路。

鄭中卿

名域三山人。號松窓。慶元丙辰。多隨張貴謨使虜。有燕谷剽聞兩卷。記虜中事。

甚詳

画堂春

春思

東風吹雨。破花慳。客羶曉夢生寒。有人斜倚小屏山。感損眉弯。○合是一釵雙燕。却成兩鏡孤鸞。暮雲脩。

竹淚留殘翠袖凝斑

桃源憶故人春愁

東風料峭寒吹面。低下綉簾休卷。憔悴怕它春見。一任鶯花怨。○新愁不受詩排遣。塵滿玉毫金硯。若問此愁深淺。天闊浮雲遠。

念奴嬌 戊午生日作

嗟來咄去。被天公把做小兒調戲。蹀雪龍庭歸未久。還促炎州行李。不半年間。北胡南越。一萬三千里。征衫着破。着衫人可知矣。○休問海角天涯。黃蕉丹荔。自足供甘旨。泛綠依紅。無箇事。時舞斑衣而已。救蟻

子。藤橋養魚盆沼。是亦經綸耳。伊周安在。且須學老萊。

昭君怨 梅花

道是花來春未道。是雪來香異。水外一枝斜野人家。○冷淡竹籬茅舍。富貴玉堂瓊榭。兩地不同栽一般。開

浣溪沙 別恨

酒薄愁濃醉不成。夜長欹枕數殘更。更嫩寒時節過燒。○燈○已自孤鶩羞對鏡。未能雙鳳怕聞笙。莫教吹作別離聲。

謝勉仲

名懋號靜寄居士有樂章二卷吳坦伯
明為序稱其片言隻字戛玉鏗金醞藉
風流為世所貴云

憶少年 寒食

池塘綠遍王孫芳草依
斜日游絲捲晴晝繫東風
無力○蝶趁幽香蜂釀蜜
秋千外卧紅堆碧心情費
消遣更梨花寒食

石州引 別恨

日脚斜明秋色半陰人意
淒楚飛雲特地凝愁做弄
晚來微雨誰家別院舞
困幾葉霜紅西風送客聞砧

杆鞭馬出都門正潮平洲渚○無語匆
短棹滿載離愁片帆高舉
京洛紅塵因念幾年羈旅
淺顰輕笑風月逢迎別來
誰画雙眉嫵回首一銷凝
望歸鴻容與

洞仙歌 春雨

愁邊雨細漠漠天如醉
搖颺遊絲晚風外釀輕寒
和暝色花柳難勝春自老
誰管啼紅斂翠○閑情潛入
夜斜濕簾櫳幾處挑灯
耿無寐念陽臺當日事
好伴雲來因箇甚不入
襄王夢裏便添起寒潮
捲長江又恐是離人
斷腸清淚

杏花天 春思

海棠枝上東風軟，蕩霽色、煙光弄暖。雙燕子、歸來晚。零落紅香過半。琵琶淚、搵青衫淺。念事與危腸，易斷餘醒未解。扶頭懶，屏裏瀟湘夢遠。

画堂春 秋思

西風庭院雨垂垂，黃花秋閨遲已涼。天氣未寒時才褪單衣。○睡起枕痕猶在，鬢鬆釵壓雲低。玉奩重拂淡胭脂，情入雙眉。

武陵春 惜別

門掩東風人去後，愁損燕鶯心。一朶梅花淡有春粉。

黛不忺勻。○我亦青樓成倦客，風月強追尋。莫把恩情做弄成容易，學行雲。

霜天曉角 桂花

綠雲剪葉低護，黃金屑占斷。花中聲香與韻兩清。○勝絕君聽說是它來處。別試看仙衣猶帶金庭露。玉階月。

風流子 行樂

少年多行樂，方豪健，何處不嬉遊。記情逐艷波，暖香斜徑，醉搖鞭影，撲絮青樓。難忘是笑歌，偏婉婉，鄉號得溫柔。嬌雨娛雲旋寬衣，帶賸風殘月，都在眉頭。○

一戎憔悴損人驚恠空自引鏡堪羞誰念短封難托
征鴈虛浮念夜寒灯火懶尋前夢滿窓風雨供斷閑
愁情到不堪言處却悔風流

念奴嬌 中秋呈徐叔至

霽天湛碧正新涼風露冰壺清徹河漢無聲光練
湧出銀蟾孤絕岩桂香飄井梧影轉冷浸宮袍潔西
廂往事一簾輕夢悽切○腸斷楚峽雲歸尊前無緒
知有愁如髮此夕常娥應也恨冷落瓊樓金闕禁漏
迢迢邊鴻杳幽意憑誰決闌干星斗落梅三弄初
闕

鵲橋仙 七夕

鈎簾借月染雲為幌花面玉枝交映涼生河漢一天
秋問此會今宵孰勝○銅壺尚滴燭龍已駕淚灑西
風不盡明朝烏鵲到人間試說向青樓薄倖

趙文鼎

名善狂號解林居士詩詞
甚富蓋趙德莊之流也

傳言玉女 上元

璧月珠星輝映小桃穠李化工容易與人間富貴東
風巷陌春在暖紅溫翠人來人去笑歌聲裏○油壁
青驄第一番共燕喜舉頭天上有姍人意歌傳樂府

猶是昇平風味明朝須判醉眠花底

好事近

風動一川花搖漾影迷紅碧人立杏花陰下泛光風
襲二○瓊枝壁月互相輝春容泫將夕羅蓋暗承花
霧漬鮫綃香濕

重疊金 春遊

楚宮楊柳依二碧遙山翠隱橫波溢絕艷照穠春二
光欲醉人○織二芳草嫩微步輕羅襯花戴滿頭歸
遊蜂花上飛

重疊金 春思

玉闕芳草粘天碧春風萬里思行客驕馬向風嘶道
歸猶未歸○南雲新有鴈望眼愁邊斷膏沐為誰容
倚樓煙雨中

重疊金 春宵

一川花月青春夜玉容依約花陰下月照曲闌干紅
綃浥露寒○袖香溫素手意鑠金卮酒香遠綉簾開
画樓吹落梅

十拍子 上巳

柳絮飛時綠暗茶蘼開後春酣花外青帘迷酒思陌
上晴光收翠嵐佳辰三月三○解佩人逢遊女踏青

草闢宜男醉倚画欄。檻北夢遠清江。水南飛鷺
與並驂。

青玉案 春暮

一年陌上尋芳意。想人在東風裏。褪粉銷紅春有幾。
青翰飛去紫雲凝。佇往事如流水。煙橫極浦山無
際。暗解明璫問誰寄。鄉在溫柔何處是。輪困香霧靜
深庭院。簾影參差翠。

燭影搖紅 盱江有懷

桃李墻頭向人都。似他年意舞絲千丈。颺晴光駘蕩。
春無際。花氣薰然自醉。傍垂楊行。緩轡倦遊無柰。

回首雲山。歸期猶未。玉鎖樓空鳥啼。花外東風起。
少年恩怨付波流。臨望朱闌倚。塵生客袂對尊
前。高情暫寄洞天。一笑仙馭乘空。姑峰凝翠。

謁金門 春情

新雨霽開遍。滿園桃李波暖。池塘風細。一雙花鴨
戲。喚起春融睡美。扶醉宿粧慵理。移步避入花影
裏。綉裙低窄地。

宴清都

錢明遠兄縣丞榮滿赴調

疎柳無情緒。都不管渡頭行客欲去。猶依賴得玉光
萬頃。爲人留住。相從歲月如鶩。歎回首離歌又賦。更

言選卷四
舉目斜照沈。西風剪。秋墅。君行定憶南池歌
筵舞地花晨月午八磚步日三雍奏樂送君雲路別
情未抵遺愛試聽取湖山共語便可能無意同傾一
尊露醕

小重山 別情

汲水添瓶恰換花蜂兒爭要採打窓紗青春誰與度
年華絃索暗無緒幾曾拏。春思正交加馬蹄聲錯
認客還家花牋欲寫寄天涯羞人見羅袖急忙遮

感皇恩

七十古來稀吾生已半莫把身心自縈絆據他緣分

且恁隨時消遣但知逢酒飲逢花看。林泉有約風
光無限日上花梢起來晚芒鞋竹杖信步水村山館
更尋三兩箇清閑伴。乙未生朝作

賀新郎 夏

晝永重簾卷。下池塘一番過雨芰荷初展竹引新梢
半含粉綠蔭扶踈滿院過花絮蜂稀蝶懶窓戶沈。
人不到伴清幽時有流鶯轉凝思久意何限。玉釵
墜枕風鬟顫湛虛堂壺冰瑩徹簟波零亂自是仙姿
清無暑月影空垂素扇破午睡香銷餘篆一枕湖山
千里夢正白蘋煙棹歸來晚雲弄碧楚天遠

喜迂鶯 春宴

韶華駘蕩看化工盡力安排春仗薄霧霏煙軟風輕
日物態與人交暢鳥聲弄巧千調樓影垂空十丈亂
花柳粲宝鈿纓絡綵絲帷帳○佳賞輝艷冶笑語盈
二花面交相向歌運長縑酒凝深碧和氣盎然席上
好春易苦風雨人意難逢舒放但拍掌醉陶然一笑
忘形天壤

趙德莊

名彥端號介

庵官龍圖

瑞鶴仙

記河梁折柳問画堂樂事燕鴻難偶十年謾回首但
亭二紫盖差二南斗傳聞小有種桃花親煩素手恠
歸來道骨仙風縹緲迥然非舊○清晝江南如画紫
菊冬前翠橙霜後扁舟渡口佳客至奉名酒喚青鸞
起舞雲窓月罅一曲山明水秀笑相看玉海別來淺
如故否

祝英臺近 春恨

獸金寒簾玉潤梅雪印苔絮春意如人易散苦難聚
幾多絲竹深情池塘幽夢猶倚賴與春同住○舊游
處誰喚別浦仙帆風前問征路煙雨連江吹恨正無

數莫教紫燕歸來彩雲開後空悵望主人歸去

清平樂 閨思

桃根桃葉一樹芳相接春到江南三二月迷損東家
胡蝶○殷勤踏取春陽風前花正低昂與我同心支
子報君百結丁香

鵲橋仙

紅白蓮

藕花塘上無塵無暑灑一池秋淨綠羅寶蓋碧瓊
竿翠浪裏重二月影○一家姊妹兩般粧束濃淡施
朱傅粉夜深風露逼人寒問誰在牙床酒醒

謁金門

春半

春已半綉綠新紅如換燕子還來簾幙畔閑愁天不
管○翠被曲屏香滿花葉彩牋人遠鵲喜珠絲都未
判連環空約腕

黃子厚

名銖號穀城翁與朱文公為友喜作古
詩樂章甚少其母孫夫人能文有詞見

前唐宋集

江神子

晚泊分水

秋風嫋二夕陽紅晚煙濃暮雲重萬疊青山二外叫
孤鴻獨上高樓三百尺憑玉楯睇層空○人間日月
去匆匆碧梧桐又西風北去南來銷盡幾英雄擲下

玉尊天外去多少事不言中

菩薩蠻 夜宿崇安縣第三鋪聞吹簫

海山翠疊青螺淺暮雲散盡天容遠匹馬度江臯北
風生怒號○解鞍棲倦翮皓月空庭白何處小闌干
玉簫吹夜寒

漁家傲 朱晦翁示歐公鼓子詞戲作一首

永日離憂千萬緒雪舟遠泛清漳浦珍重故人寒夜
語揮玉塵沈沈画閣凝香霧○風砌落花留不住紅
蜂翠蝶閑飛舞明日柳營江上路雲起處蒼山萬疊
人歸去

趙昌甫

名蕃號章泉負天下重望屢召不起劉
後村所謂一生官職監南岳四海詩名
仰玉山者此也

小重山 寄劉叔通 先生亭云小重山一闕傳

聞叔通吾兄間留建城銜盃之際可令
歌以醉我否

何地無溪祗欠人有翁年八十住其濱直鉤元不事
絲緡優游爾聊以遂吾身○陶令賦歸辰未嘗輕出
入犯風塵江州太守獨情親廬山醉誰主復誰賓

菩薩蠻 送游季仙歸東陽

雞聲茅店炊殘月板橋人跡霜如雪此是古人詩身
經老忘之○君行當此境今我昏成醒乘月犯霜來
詩真誤爾哉

韓仲止

名澆 號澗泉
南澗先生之子

賀新郎

梅已依稀矣歲華深儵然向晚杖藜獨倚山遠荒林
黃葉墜落日孤城烟水意興寄如何則是底事疎枝
橫絕峭未吹香便與花相似不忍折為之喜○寒鴉
數點霜風裏正人家園收芋栗小槽初美欲飲可誰

同一醉擬賦才成又止老態度渾侵髮齒摸索孤根
春在否任紅白皆桃李空爛熳豈能爾

易彥祥

名袞長沙人
寧宗朝狀元

驀山溪

春情

海棠枝上留得嬌鶯語雙燕幾時來並飛入東風院
宇夢回芳草綠遍舊池塘梨花雪桃花雨畢竟春誰
主○東郊拾翠襟袖霑飛絮寶馬趁彫輪亂紅中香
塵滿路十千斗酒相與買春閑吳姬唱秦娥舞拚醉
青樓暮

喜遷鶯 春感

帝城春晝見杏臉桃腮胭脂微透一霎兒晴一霎兒
雨正是催花時候淡烟細柳如画雅称踏青携手怎
知道那人一獨倚闌干消瘦○別後音信斷應是淚
珠滴遍香羅袖記得年時膽瓶兒畔曾把牡丹同嗅
故鄉水遥山遠怎得新歡如舊強消遣把閑愁推入
花前盃酒

蔡行之

名幼學號溪園永嘉人

壬辰南宮進士第一

好事近 送春

日二惜春殘春去更無明日擬把醉同春住又醒來
岑寂○明年不怕不逢春嬌春怕無力待向灯前休
睡與留連今夕

陳同甫

名亮永康人

光宗朝狀元

水龍吟 春恨

鬧花深處層樓画簾半捲東風軟春歸翠陌平莎茸
嫩垂楊金淺遲日催花淡雲閣雨輕寒輕煖恨芳菲
世界游人未賞都付與鶯和燕○寂寞憑高念遠向
南樓一聲歸鴈金釵鬪草青絲勒馬風流雲散羅綬

分香翠綃封淚幾多幽怨正銷魂又是疎烟淡月子
規聲斷

洞仙歌 秋雨

瑣窓秋暮夢高唐人困獨立西風萬千恨又簷花落
處滴碎空堦芙蓉院無限秋容老盡○枯荷摧欲折
多少離聲鎖斷天涯訴幽悶似蓬山去後方士來時
揮粉淚點二梨花香潤斷送得人間夜霖鈴更葉落
梧桐孤燈成暈

虞美人 春愁

東風蕩颺輕雲縷時送瀟二雨水邊臺榭燕新歸一

口香泥濕帶落花飛○海棠糝徑鋪香綉依舊成
瘦黃昏庭院柳啼鴉記得那人和月折梨花

眼兒媚 春愁

試燈天氣又春來難說是情懷寂寥聊似揚州何遜
不爲江梅○扶頭酒醒爐香熄心緒未全灰愁人最
是黃昏前後烟雨樓臺

思佳客 春感

花拂闌干柳拂空花枝綽約柳鬟鬆蝶翻淡碧低邊
影鶯囀濃香杪處風○深院落小簾櫳尋芳猶憶舊
相逢橋邊携手歸來路踏皺殘花幾片紅

清平樂 秋晚伯成兄往龍興山中意其登山臨水不無閨房之思作此詞憫之

銀屏綉閣不道鮫綃薄嘶騎匆塵漠還過夕陽村落○亂山千疊無情今宵遮斷愁人兩處香消夢
竟一般曉月秋聲

滴金梅

斷橋雪霽聞啼鳥對林花弄晴曉画角吹香客愁醒見梢頭紅小○團酥剪蠟知多少向風前壓春倒江
嶂入烟画圖中有短篷香繞

李居厚

名廷忠自號橘山長於四六有樂府一卷然多是獻壽之詞

水龍吟 壽寧國太守王大卿正月二日

風流最數宣城奇山秀水神仙府琴高臺畔花姑壇上
鸞翔鳳舞春度玉墀月昇金掌榮分銅虎想少陵知有異人間出三百載留佳句○歲椒盤栢竿到
明朝又還重舉陽和散作千岩瑞雪兩溪甘雨汲取恩波釀成祿酒慶公初度有東風傳報都人已為築
沙堤路

沁園春 劉摠幹會飲同寮出示新詞席上用韻

幕府增輝前度劉郎又還到來看芙蓉池畔神凝秋水
綺羅叢裏驩動春雷彩筆新題金釵半醉當日英

李居厚

同是長句

九

詞選卷四
雄安在哉開筵處是真仙福地不著纖埃○堪怜勸
客情懷聽吹竹彈絲金奏諧有黃花插鬢何妨歌帽
綠橙醒酒莫惜空壘坐上踈狂簾間姝麗應想橫波
一笑回停杯久待嬌歌緩勸歸騎休催

水調歌頭

武昌南樓落成次王漕韻

撫景幾今古遺恨此江山百年形勝但見幽草雜枯
管多少名流登覽賴有神扶壞棟詩墨尚斑斑風月
要磨洗願我已衰顏○擎天手携玉斧到江干一新
竒觀領客觴詠有餘閑烟草半川開霽城郭兩州相
望都在画屏間便擬騎黃鵠直上扣雲關

滿江紅

上夔帥樂秘閣生日

玉帳西來道前是綉衣使者游覽處秋風鼓吹自天
而下湘水得霜清可鑒巫峯過雨森如画有神仙佳
致在胸襟真瀟洒○荊州宝元無價夔門政長多暇
聽談兵樽俎百川傾瀉此日壽觴容我勸它年樞柄
還公把趣桂花時節去朝天香隨馬

鷓鴣天

九日南樓和范總幹韻

檻外長江浪拍空蕭蕭紅蓼白蘋風三秋告稔三農
慶九日追懽九客同○烟渚北月岩東莫嫌光景太
匆○登龍戲馬英雄事都在南樓一嘯中

李知幾

詩選卷四

踏沙行 趙寬夫十二月十二日生賦此為壽

星野涵輝雲峰環翠南園迎牖開梅蘂瑤臺仙子笑
相逢金釵行裏拚沉醉○照乘驪珠出閑天驥相隨
壽母多年紀春風侍宴宝花樓五枝七葉都榮貴

名石 號方舟

李知幾

臨江仙 夜景

煙柳疎 二 人悄 二 画樓風外吹笙倚欄聞喚小紅聲
薰香臨欲睡玉漏已三更○坐待不來 二 不去一方
明月中庭粉牆東畔小橋橫起來花影下扇子撲飛

螢

長相思 春思

花飛 二 絮飛 二 三月江南烟雨時樓臺春樹迷○雙
鶯兒雙燕兒橋北橋南相對啼行人猶未歸

漁家傲 贈鼎州官妓

西去征鴻東去水幾重別恨千山裏夢繞綠窓書半
紙何處是桃花溪畔人千里○瘦玉倚香愁黛翠勸
人須要人先醉問道明朝行也未猶自記灯前背立
偷垂淚

出塞 夜夢一女子引扇求字為書小闕

李知幾

詞選卷四

三

花樹一吹碎胭脂紅雨將謂郎來推綉戶暖風搖竹
塢○睡起闌干凝佇漠漠紅樓飛絮剗踏襪兒垂手
處隔溪鶯對語

游子明

名次公建安人號西池范石湖帥桂
林日西池實參內幕有唱酬詩卷

賀新郎 月夜

斗柄回秋律素蟾飛冰霜萬里滿川金碧得月偏多
何處是惟有橋南第一正野迥西風寒寂丹桂婆娑
踈影在想微瑕未累千金壁河漢遠澹無迹○知君
有句酬佳夕促高歌胡床自倚露溥珠溢坐到參橫

星欲闇隱天低似笠但絡緯悲啼催織吟詠淒涼
翻有恨諒知音人遠空追憶誰爲置鄭莊驛

賀新郎 宮詞

暖雲浮晴籞鎖垂楊籠池罩閣萬絲千縷池上曉光
分宿霧日近羣芳易吐尋並帶闌干凝竚不信釵頭
飛鳳去但宝刀被妾留還住天一笑萬花妬○阿嬌
正好金屋貯甚西風易得蕭疎扇鴛塵土一自昭陽
扃玉戶墻角土花無數况多病情傷幽素別殿時聞
簫鼓奏望紅雲冉冉知何處天尺五去無路

滿江紅 丹青閣

一舸歸來何太晚，鬢絲如織謾歎息。淒涼往事盡成
 陳迹，山迫暮烟浮紫翠，溪搖寒浪翻金碧。看長虹渴
 飲下青冥，危欄濕。誰可住烟蘿側，俗士駕當回勒。
 伴岩扃，須是碧雲仙客，風月已供無盡藏。溪山更衍
 清涼國，恨謫仙蘇二，不曾來無人說。

名稹自號巽絲

危逢吉

水龍吟 慶齊年諸丈

洛陽九老圖中，當時司馬年猶小。爭如今夕，舉盃相
 勸，十人齊壽。已幸同庚，何分雌甲，本無多少。但有頭

可白無愁可解，只如此都贏了。慶禮十年還，又更
 十年，依前難老。低教百歲，做人高祖，見孫白首，却要
 從今探梅，脚健看山，眼好賴天公。頓得東園長在陪
 歌陪酒

漁家傲 和晏虞卿詠侍兒彈箜篌

老去諸餘情味淺，詩詞不上閑釵釧。宝幌有人紅兩
 靨，簾間見紫雲元在梨花院。十四條絃音調遠，柳
 絲不隔芙蓉面。秋入西窓風露晚，歸去懶酒酣一任
 烏巾岸

沁園春 壽許貳車

籍甚聲名門闈相種文章世科筭當年瑞世正當夏
五仙家毓德全是春和底事屏星着之海嶠柰此騰
驥足何君知否看飛來丹詔徑上寫坡口殷勤携
酒相過要灑二浮君金叵羅嘆同心相契古來難
二年同處意摠無它如此平分更教添箇自清風
明月多拚沉醉任光浮綠鬢笑滿紅渦

中興以來絕妙詞選卷之四

中興以來絕妙詞選卷之五

宋詞

劉德脩

名光祖號後溪蜀之名士
有鶴林文集小詞附焉

鵲橋仙 留別

相逢一笑又成相避南鴈歸時霜透明朝人在短亭
西看舞袖雙二行酒○歌聲此處秋聲何處幾度亂
愁搔首如何不寄一行書有萬緒千端別後

昭君怨 別恨

人在醉鄉居住記得舊曾來去踈雨聽芭蕉夢魂遙

劉德脩

○惆悵柳烟何處目送落霞江浦明夜月當樓照人愁

江城子 梅花

十分雪意却成霜暮雲黃月微茫只有梅花依舊吐幽芳還喜無邊春信漏疎影下覓浮香○才清端是紫薇郎別鶴行憶宮墻夜半胡為人與月交相君合召歸吾老矣月隨去照西廂

洞仙歌 荷花

晚風收暑小池塘荷淨獨倚胡床酒初醒起徘徊時有香氣吹來雲藻亂葉底游魚動影○空擎承露蓋

不見冰容惆悵明粧曉鴛鏡後夜月涼時月淡花低幽夢竟欲憑誰省且應記臨流凭闌干便遙想江南紅酣千頃

長相思 別意

玉樽涼玉人涼若聽離歌須斷腸休教成鬢霜○画橋西画橋東有淚分明清漲同如何留醉翁

水調歌頭 旅思

客夢一回醒三度碧梧秋仰看今夕天上河漢又西流早晚涼風過鴈驚落空堦一葉急雨鬧清溝歸計休令暮宵露浥征裘○古來今生老病許多愁那堪

更說無限功業鏡中羞只有青山高致對此還論世
事舉白與君浮送我一盃酒誰起舞涼州

臨江仙春思

小院回廊春寂二晚來獨自閑行画簾東畔碧雲生
也知無雨空滴枕邊聲○一簇小桃開又落低頭拾
取紅英東風相送忘相迎梨花寒食到得錦宮城

臨江仙自詠

我似萬山千里外悠然一片歸雲官銜猶自帶云二
誰知於進士已是故軍將○閑坐閑行閑飲酒閑拈閑
字閑文諸公留我笑紛二一枝簪寶髻六幅舞羅裙

踏莎行春暮

掃徑花零閉門春晚恨長無柰東風短起來消息探
茶蘼雪條玉蘂都開遍○晚月蒐清夕陽香遠故山
別後誰拘管多情於此更情多一枝嗅罷還重撚

醉落魄春日懷故山

春風開者一時還共春風謝柳條送我今槐夏不飲
香醪孤負人生也○曲塘泉細幽琴寫胡床滑篔簹應
無價日遲睡起簾鈎挂何不歸欵花竹秀而野

李子大

名洪家世同登桂籍躋阮仕號淮甸儒
族子大其弟漳泳淦淞皆以文鳴有李

氏花萼詞五卷其姪直倫為之序廬陵人

念奴嬌曉起觀落梅

麗譙吹角漸疎星明澹簾篩殘月嫋
霜颺欺翠袖
飛下一庭香雪半面粧新迴風舞因此况真竒絕
柳林裏蘇仙偏感華髮
休怨時暫飄零玉堂清夢
不惹閑蜂蝶好似王家叢竹畔乘興山陰時節剪水
無情閨風歸去忍使芳心歇和羹有待恁時身到天

闕

李子清

名漳

鵲橋仙七夕

迢迢郎意盈
妾恨今夕鵲橋欲度世間兒女一何
癡闔乞巧紛無數
遙知此際有人孤坐心切天
街雲路好因緣是惡因緣夢魂遠陽臺雨暮

桃源憶故人 閨情

小樓簾捲闌干外花下朱門半啓中有傾城佳麗一
笑西風裏
盈盈臨水情難致盡日相看如醉乾鵲
不知人意只管聲
喜

李子永

名泳

賀新郎感舊

門掩長安道捲重簾垂楊散暑嫩涼生早午夢驚回
 庭陰翠蝶舞鶯吟未了政露冷芙蓉池沼金鴈塵昏
 么絃斷理餘音尚想腰支裊歡漸遠思還繞○臨臯
 望極滄江渺晚潮平湘烟萬頃斷虹殘照絲舫凌波
 分飛後別浦菱花自老問錦鯉何時重到樓迥層城
 看不見對瀟瀟暮雨憐芳草幽恨闊楚天杳

李子召

名詮

滿庭芳 送張守漢卿赴召

麥秀連雲桑枝重綠史君佳政流傳鳳銜丹詔來自
 九重天千里歡騰祖帳棠陰外多少攀轅津亭路統
 如五鼓難駐鄧侯船○光華家世事門中列戟圯上
 遺編况建炎勲業畫畫凌烟此去朝端濟美看平步
 兩台躔須知道中興盛治 主聖賴臣賢

李子秀

名淵

踏莎行 送新城交代李達善

紅藥香殘綠筠粉嫩春歸何處尋春信綉鞍初上馬
 蹄輕舉頭便竟長安近○別酒無情啼粧有恨山城

向晚斜陽褪清江極目帶寒烟錦鱗去後憑誰問

劉改之

名過太和入稼軒之客王簡卿侍郎嘗贈以詩云觀渠論到前賢處據我看來

近世無其詞多壯語蓋學稼軒者也号龍洲道人

賀新郎懷舊

老去相如倦問文君說似而今怎生消遣衣袂京塵
曾染處空有香紅尚軟料彼此魂消腸斷一枕新涼
眠客舍聽梧桐疎雨秋聲顫灯暈冷記初見○樓低
不放珠簾捲晚粧殘翠鈿狼藉淚痕凝臉入道愁來

須殢酒無柰愁深酒淺但寄興焦琴紈扇莫鼓琵琶
江上曲怕荻花楓葉俱悽怨雲萬疊寸心遠

賀新郎遊西湖

睡竟啼鶯曉醉西湖兩峰日一買花簪帽去盡酒徒
無人問惟有玉山自倒任拍手兒童爭笑一騎乘風
翩然去避魚龍不見波聲悄歌韻遠喚蘓小○神仙
路近蓬萊島紫雲深參差禁樹有烟花遶人世紅塵
西障日百計不如歸好付樂事與它年少費盡柳金
梨雪句問沉香亭北何時召心未慙鬢先老

賀新郎贈張彦功

曉印霜花步夢半醒扶上彫鞍馬嘶人去嵐濕青絲
雙轡冷緩鞚野梅江路聽画角吹殘更鼓悲壯寒聲
撩客恨甚貂裘重擁愁無數霜月白照離緒○青樓
回首家何處早山遙水闊天低斷腸烟樹誰念天涯
牢落况輕負暖雲濃雨記酒醒香銷時語客裏歸鷁
須早發怕天寒風急相思苦應為我翠眉聚

賀新郎

多病劉郎瘦最傷心天寒歲晚客它鄉久大舸翻
何許至元是高陽舊友便一笑相歡携手為問武昌
城下月定何如楊子江頭柳追往事兩眉闔○燭花

細剪明於書喚青娥小紅樓上殷勤勸酒昵
琵琶
思怨語春筍輕攏翠袖看舞徹金釵微溜若見故鄉
吾父老道長安市上狂如舊重會面幾時又

念奴嬌 自述

知音者少算乾坤許大着身何處直待功成方肯退
何日可尋歸路多景樓前垂虹亭下一枕眠秋雨虛
名相誤十年枉費辛苦○不是奏賦明光獻書北闕
無驚人之語我自匆忙天未許贏得衣裾塵土白壁
堆前黃金買笑付與君為主尊鱸江上浩然明日歸
去

糖多令 再過武昌

蘆葉滿汀洲。寒沙帶淺流。二十年重度南樓。柳下繫船猶未穩。能幾日。又中秋。○黃鶴斷磯頭。故人曾到不。舊江山都是新愁。欲買桂花重載酒。終不似。少年遊。

水調歌頭 春半

春事能幾許。密葉著青梅。日高花困海棠風。暖想都開。不惜春衣典盡。只怕春光歸去。片點蒼苔。能得幾時好。追賞莫徘徊。○雨飄紅。風換翠。苦相催。人生行樂且須痛飲。莫辭杯。坐則高談。風月醉則恣眠。芳草醒後亦佳哉。湖上新亭好。何事不曾來。

水調歌頭 自述

弓劍出榆塞。鉛槧上蓬山。得之渾不費力。失亦匹如閑。未必古人皆是。未必今人俱錯。世事沐猴冠。老子不分別。內外與中間。○酒須飲。詩可作。指休彈。人生行樂何自催。得鬢毛斑。達則牙旗金甲。窮則寒驢破帽。莫作兩般看。世事只如此。自有識鴟鴞。

天仙子 初赴省別妾

別酒醺。渾易醉。回過頭來三十里。馬兒不住去。如飛牽一繖。坐一繖。斷送殺人山共水。○是則青衫終

可喜不道恩情拚得未雪迷村店酒旗斜去則是住
則是煩惱自家煩惱你

沁園春 風雪中欲詣稼軒久寓湖上未能一往

因賦此詞以自解

斗酒彘肩風雨渡江豈不快哉被香山居士與林和
靖約坡仙等勒駕予回坡謂西湖正如西子淡粧濃
抹臨照臺二公者皆掉頭不顧只恁傳杯○白云天
竺去來看金壁崔嵬樓觀開况一澗縈迂東西水遶
兩山南北高下雲堆逋曰不然暗香浮動何似孤山
先放梅須晴去訪稼軒未晚且此徘徊

劉叔擬

名仙倫廬陵人自號招山有詩集行于世樂章尤為人所贈炙吉州刊本多遺

落今以家藏善本選集

賀新郎壽王侍郎簡卿

小像停鉦鼓向沙邊柳下維舟慶公初度平盡羣蠻
方易鎮此事多應有數柰自古功成人妬君看樂羊
中山役任謗書盈篋終無據千載下竟誰與○詩中
帶得西山雨指天台鴈蕩歸欵壽鄉深處緩急朝廷
須公出更作中流砥柱笑癡騃紛二兒女多少人間
不平事有皇天老眼能區處揮玉笋聽金縷

賀新郎 題吳江

重喚松江渡。嘆垂虹、亭下銷磨幾番。今古依舊四橋風景，在爲問坡仙甚處。但遺愛沙邊鷗鷺，天水相連。蒼茫外更碧雲去盡，山無數。潮正落日還暮。○十年到此長凝竚。恨無人與共，秋風鱸絲尊縷。小轉朱絃，彈九奏，擬致湘妃伴侶。俄皓月飛來，烟渚恍若乘槎。河漢上怕客星犯斗，蛟龍怒歌歎，乃過江去。

賀新郎 洪守席上詠牡丹

翠蓋籠嬌面。記當年沈香亭北，醉中曾見。了風流傾國艷，紅紫紛。過眼算好處，何嫌春晚。誰把天香

和曉露倩東風，特地勻芳臉。千萬朵一時遍。○隔花聽取提壺勸。道此花過了，春歸蝶愁鶯怨。挽住東君須醉倒，花底不妨留戀。待喚取笙歌一片，最愛就中紅一朵。似狀元得意春風殿。還惹起少年恨。

賀新郎 贈建康鄭玉脫籍

鄭玉非娼女。嘆塵緣未了，飄零被春留住。腸斷胭脂坡下路，成甚心情。意緒生怕入梨園，歌舞寂寞陽臺。雲雨散，算人間誰是吹簫侶。空買斷兩眉聚。○新來鏡裏驚如許。暗傷懷鶯老花殘，幾番春暮。事逐孤鴻都已往，月落千山。杜宇念脩竹天寒，何處不念瑣窓。

并綉戶妾從前命薄甘荆布誰為作解條主

念奴嬌送張明之赴京西幕

舳艫東下望西江千里蒼茫烟水試問襄州何處是
雉堞連雲天際叔子殘碑卧龍陳迹遺恨斜陽裏後
來人物如君瓌偉能幾○其肯為我來耶河陽下士
正自強人意勿謂時平無事也便以言兵為諱眼底
山河樓頭鼓角都是英雄淚功名機會要湏閑暇先
備

念奴嬌感懷呈洪守

吳山青處悵長安路斷黃塵如霧荆楚西來行輒遠

北過淮堧嚴扈九塞貔貅三閔虎豹空作陪京固天
高難叫若為得訴忠語○追念江左英雄中興事業
枉被姦臣誤不見翠華移蹕處枉負吾皇神武擊楫
憑誰問籌無計何日寬憂願倚筇長嘆滿懷清淚如
雨

念奴嬌長沙趙帥席上作

西風何事為行人掃蕩煩襟如洗垂漲蒸瀾都卷盡
一片瀟湘清泚酒病驚秋詩愁入鬢對景入千里楚
宮故事一時分付流水○江上買取扁舟排雲湧浪
直過金沙尾歸去江南丘壑處不用來尋月姊風露

盃深芙蓉裳冷笑傲烟霞裏草廬如舊卧龍知爲誰起

滿江紅題快閣和徐宰韻

快閣東西鷗邊問晚晴可喜鷗解語旣盟之後兩翁曾倚笛弄慣聽黃魯直履聲深識徐淵子添我來相對兩忘機真相似○也不種閑桃李也不翫佳山水有新詩字二愛民而已一片心閑秋月外三年人在春風裏漲一篙江水送歸鴻明朝是

滿江紅春晚

着意留春留不住春歸難恋最苦是梅天煙雨麥秋

庭院嫩竹陰濃鶯出谷柔柔采盡蚕成繭柰沈腰寬盡有誰知難消遣○幽閣恨雙眉歛香牋寄飛鴻遠向風簾羞見一雙啼燕翠被閑將情做夢青樓賺得恩成怨對尊前莫惜喚瓊姬持盃勸

木蘭花慢秋日海棠

漸秋空向晚被風雨趨重陽正木落疎林海棠枝上忽見紅粧料應妬它蘭菊甚年二獨自占秋光故把春風嬌面向人逞艷呈芳○看來畢竟此花強祇是欠些香誚一似當年五陵公子却厭膏梁肯來水邊竹下與幽人相對說淒涼只恐夜深花睡五更微有

清霜

霜天曉角 題蛾眉亭

倚空絕壁直下江千尺天際兩蛾凝黛愁與恨幾時
極○暮潮風正急酒醒聞塞笛試問謫仙何處青山
外遠烟碧

訴衷情 客中

征衣薄 二 不禁風長日雨絲中又是一年春事花信
到梧桐○雲漠 二 水溶 二 去匆 二 客懷今夜家在江
西身在江東

江神子 洪守出歌姬就席口占

華堂深處出娉婷語聲輕笑聲清燕語鶯啼一 二 付
春情恰似洛陽花正發見花好不知名○金甌盛酒
玉纖擎滿盈 二 勸深 二 不怕主人教你十分斟只怕
酒闌歌罷後人不見暮山青

繫裙腰 愁別

山兒矗 二 水兒清船兒似葉兒輕風兒更没人情月
兒明厮合造送行人○眼兒款 二 淚兒傾灯兒更冷
青 二 遭逢着鴈兒又沒前程一聲 二 怎生得夢兒成
詞猥薄而意優柔

永遇樂 春莫有懷

劉叔擬

詞選卷五

三

青帷蔽林白氈鋪徑紅雨迷楚晝閣閑愁風簾捲恨
盡日縈情緒陽臺雲去文園人病寂寞翠尊彫俎惜
韶容匆_二易失芳叢對眼如霧○中歌潤衰衣寬涼
溲又竟漸回驕暑解籜吹香遺丸薦脆小芰浮鴛浦
画欄如舊依稀猶記佇立一鈎蓮步黯銷魂那堪又
聽杜鵑更苦

菩薩蠻 怨別

吹簫人去行雲杳香篝翠被都閑了疊損縷金衣是
他渾不知○冷烟寒食夜淡月梨花下猶自軟心腸
為他燒夜香

菩薩蠻 怨別

東風去了秦樓畔一川烟草無人管芳樹雨初晴黃
鸝三兩聲○海棠花已謝春事無多也只有牡丹時
知它歸不歸 辭鄙意濃

嚴次山

名仁樵溪人詞集名清江欸乃杜月
渚為之序其詞極能道閨闈之趣

賀新郎 寄上官偉長序云扁舟何時下滄灣孤

劍尚客東楚渺二千里寄一曲歌觀物懷人

想見臨風激烈也

蘭芷湘東國正愁予一江紅葉水程孤驛欲寫瀟湘

無限意那得如椽彩筆但滿眼西風蕭瑟我所思兮
何處所在鍾津二上滄灣側誰氏子閨風客○閨風
仙客才無敵賦悲秋抑揚頓挫流離沈鬱百賦千詩
朝復暮解道波濤春力憶共尔乘槎吹笛八表神遊
吾夢見渺洞庭青草烟波隔空悵望楚天碧

賀新郎 清浪軒送春

碧浪搖春渚浸虛簷蒲萄滉漾翠綃掀舞委曲經過
臺下路載取落花東去問花亦漂流良苦花不能言
應有恨二十分都被春風誤同此恨有飛絮○人生
聚散元無據凭欄一尊相對蘋洲春莫嫉色冲二

空悵望淚盡世間兒女君不見千金求賦飛燕婕妤
今何在看粘雲江影傷千古流不去斷魂處

賀新郎 送杜子野赴省

說到城南杜俊風流至今人號去天尺五家世聯翩
蒼玉佩自有文章機杼看寫鳳九霄軒翥文陣堂二
新得雋正少年壯氣虹蜺吐拈彩筆月城去○出關
相送梅千樹雪連空馬蹄特二曉寒入度帝里春濃
花似海催入明光奏賦須快展亨衢闊步隨世功名
真漫浪要平生所學期無負須記得別時語

歸朝懽 南劍双溪樓

五月人間揮汗雨離恨一襟何處去雙溪樓下碧千
尋雙溪樓上匏尊舉晚涼生綠樹漁灯幾點依洲渚
莫狂歌潭空月淨慘瘦蛟舞○变化往來無定所
求劍刻舟應笑汝只今誰是晉司空斗牛奕紅光
吐我來空吊古與君同記凭欄語問滄波乘槎此去
流到天河否

歸朝懽

壽蕭禹平知縣

雲表金莖珠璀璨當日投懷驚玉燕文章議論壓西
靡風流姓字翔東觀紫皇嗟見晚祥麟五色留金殿
大江西銅章墨綬暫尔煩君縮○十二金釵扶玉盞

錦瑟撥二隨急管獸爐烟動彩雲高秋聲拍碎紅牙
板趣君歸翰苑萊衣煥爛潘輿穩任方瞳從今看到
弱水波清淺

歸朝懽別意

朱戶綠窓深窈窕閃二華旗紅幹小相逢斜柳絆輕
舟渚香不斷蘋花老西風吹夢草題詩未了還驚覓
獨傷心淒涼故館月過西樓悄○樓外斜河低浸斗
夜已如何夜將曉心期欲寄赤鱗魚秋雲不動秋江
渺相思千里道多情直被無情惱玉臺前請君試看
華髮添多少

水龍吟題連州翼然亭呈歐守

翼然新榜高亭翰林鐵畫燕公手滁陽盛事何人重
繼湟川太守太守謂誰文章的派醉翁賢胄對千峯
削翠雙溪注玉端不減琅琊秀○坐歎清香画戟聽
丁二滴花晴漏棠陰晝寂細賡賓客竹枝楊柳只恐
明朝綈封趣覲未容借寇佟江山識賞益梅事業煥
青氊舊

水龍吟題天風海濤呈潘料院

飈車飛上蓬萊不須更跨琴高鯉剗然長嘯天風瀕
洞雲濤無際我欲乘桴從茲浮海約任公子辨虹竿

千丈糖鈎五十親點對連鰲餌○誰榜佳名空翠紫
陽仙去騎箕尾銀鈎鐵畫龍拏鳳峙留人間世更憶
東山哀第一曲洒沾襟淚到而今幸有高亭遺愛寓
甘棠意

水龍吟題盱江偉觀

城頭傑觀崢嶸重欄下瞰蒼龍脊鏤珉盤礎彫檀竦
淩玲瓏金碧華子岡頭麻源谷口神仙窟宅道至今
清夜月明風冷常隱二聞笙笛○翠壁煙霞縹緲更
寒泉飛空千尺數峯江上孤舟天際夕陽紅濕抖擻
征塵浩然長歎跨青鸞翼向鳳崗西望遙醜斗酒酌

文章伯李泰伯墓在鳳皇山下

水調歌頭上韶州方檢詳時有節制之命

慘淡望京闕慷慨夢天山引杯中夜看劍壯氣刷幽
燕鼉鼓滿天催曙画角連雲歎月吹斷戍餅烟犀角
赤兔馬虎帳綠熊氈○仗漢節伸大義伐可汗青冥
更下斧鉞赤子要君安鐵騎千羣觀獵宮樣十眉環
座磬礮聽鳴弦莫厭兜鍪冷歸去已貂蟬

木蘭花慢社日有懷

東風吹霧雨更吹起袂衣寒正莽二叢林潭二伐鼓
鬱二焚蘭闌干曲多少意看青烟如篆遶溪灣桑柘

綠陰猶薄杏桃紅雨初翻○飛花片二走潺湲問何
日西還嘆擾二人生紛二離合渺二悲歡想雲駟何
處也對芳時應只在人間惆悵回紋錦字斷腸斜日
雲山

蝶恋花快閣

傑閣青紅天半倚萬里歸舟更近闌干艤木落山寒
鳧鴈起一聲漁笛滄洲尾○千古文章黃太史捫蝨
高風長照水壺裏何以薦君秋菊蕊癯瓢為酌西江
水

蝶恋花春情

院靜日長花氣暖一簇嬌紅得見春深淺風送生香
來近遠笑聲只在秋千畔○目力未窮腸已斷一寸
芳心更逐遊絲亂朱戶對開簾捲半日斜江上春風
晚

鷓鴣天 怨別

一徑蕭條落葉深離腸淒斷月明砧征鴻送恨連雲
起促織驚秋傍砌吟○風悄○夜沈○鴛機坐冷曉
霜侵挑成錦字心相向未必君心似妾心

鷓鴣天 閨思

多病春來事○慵偶因撲蝶到庭中落紅萬疊花經

雨斜碧千條柳困風○深院宇小簾櫳幾年離別恰
相逢擎觴未飲心先醉爲有春愁似酒濃

鷓鴣天 別意

行盡春山春事空別愁離恨滿江東三更鼓潤官樓
雨五夜燈殘客舍風○寒淡○曉隴○黃雞催斷丑
時鍾紫騮嚼勒金銜響衝破飛花一道紅

鷓鴣天 惜別

一曲危絃斷客腸津橋挾拖轉牙檣江心雲帶蒲帆
重樓上風吹粉淚香○瑤草碧柳芽黃載將離恨過
瀟湘請君看取東流水方識人間別意長

鷓鴣天 春思

病去那知春事深
流鶯喚起惜春心
桐舒碧葉慳三寸
柳引金絲可一尋
○憐綉閣對雲岑
苦無多力懶登臨
翠羅衫底寒猶在
弱骨離支瘦不禁

鷓鴣天 閨情

高杏酣二出短墻垂楊裊二蘸池塘
文鴛藉草眠春晝
金鯽吹波弄夕陽
○閑倚鏡理明粧
自翻銀葉炷衙香
鳴鞭已過青樓曲
不是劉郎定阮郎

鷓鴣天 閨情

公子詩成着錦袍
王家桃葉舊妖嬈
檀槽縱急斜金

鴈綵袖翩跹
鞞翠翹
○沈水過懶重燒
十分濃醉十分嬌
複羅帳裏春寒少
只恐香酥拍漸消

玉樓春 春思

春風只在園西畔
薺菜花繁胡蝶亂
冰池晴綠照還空
香徑落紅吹已斷
○意長翻恨遊絲短
盡日相思羅帶緩
寶奩明月不欺人
明日歸來君試看

阮郎歸 春思

鰓花輕拂紫綿香
瓊杯初暖粧貪
凭彫檻看鴛鴦
無心上綉床
○風絮亂恣輕狂
惱人依舊忙
夢隨殘雨下高唐
悠二春夢長

婆羅門引 春情

花明柳暗一天春色繞朱樓斷鴻聲喚人愁欲問鴻
歸何處身世自悠_二正東風留滯楚尾吳頭○追思
舊遊歎雙鬢颯驚秋可惜等閑孤了酒令花籌斷絃
難續謾題詩分付水東流_二不到蓬島瀛洲

醉桃源 春景

拍堤春水蘸垂楊水流花片香弄花嗜柳小鴛鴦一
雙隨一雙○簾半捲露新粧春衫是柳黃倚欄看處
背斜陽風流暗斷腸

好事近 舟行

曉色未分明敲動月邊鼉鼓卯酒一杯徑醉又別君
南浦○春江如席照晴空大舶夾雙櫓腸斷斜陽渡
口正落紅如雨

訴衷情 章貢別懷

一聲水調解蘭舟人間無此愁無情江水東流去與
我淚爭流○人已遠更回頭苦凝眸斷魂何處梅花
岸曲小二紅樓

多麗 記恨

最無端官樓畫角輕吹一聲來深閨深處把人好夢
驚回許多愁恁教奴受些箇事未必君知淚滴蘭衾

寒生珠幌翠雲撩亂枕頻欹窓兒上幾條殘月斜玉
界羅帷更堪聽霜摧敗葉靜扣朱扉○念別離千里
萬里問何日是歸期閑情處魚來鴈往斷腸是兔走
烏飛美景良辰賞心樂事風流孤負縷金衣謾羸得
花顏玉骨瘦損爲相思歸須早劉郎雙鬢莫遣成絲
一落索 春懷

南柯子

清曉鶯啼紅樹又一雙飛去日高花氣撲人來獨自
價傷春無緒○別後暗寬金縷倩誰傳語一春不忍
上高樓爲怕見分携處

菩薩蠻 双溪亭

柳陌通雲徑瓊梳啓翠樓桃花紙薄漬冰油記得年
時詩句爲君留○曉綠千層出春紅一半休門前溪
水泛花流二到西州猶是故家愁

征鴻點破空雲碧丹霞染出新秋色返照落平洲半
江紅錦流○風清漁笛晚寸二愁腸斷寄語笛休橫
只消三兩聲

嚴少魯

名參自號三休昭武人

沁園春 自適

日歸去來歸去來兮吾將安歸但有東籬菊有西園
桂有南溪月有北山薇蜂則有房魚還有穴蟻有樓
臺獸有衣吾應有雲中舊隱竹裏柴扉○人間征路
熹微看處二丹楓白露晞况寒原衰草牛羊來下淡
煙秋水鱸鱖初肥自笑平生頽然骨相只合持竿坐
釣磯都休也對西風無語落日斜暉

沁園春題吳明仲竹坡

竹焉美哉愛竹者誰曰君子欵向佳山水處築宮一
畝好風煙裏種玉千餘朝引輕霏夕延涼月此外塵
埃一點無須知道有樂其樂者吾愛吾廬○竹之清

也何如應料得詩人清矣乎况滿庭秀色對拈彩筆
半牕涼影伴讀殘書休說龍吟莫言鳳嘯且道高標
誰勝渠君試看正遶坡雲氣似渭川圖

中興以來絕妙詞選卷之五

中興以來絕妙詞選卷之六

宋詞

馬莊父

字子嚴建安人

自號古洲居士

水龍吟為陳坂種玉庄作

買庄為貯梅花玉妃一萬森庭戶古來詞客比方不
類可憐毫楮誰掃塵凡獨超物表神仙中取是崑丘
標致姑山風骨除此外吾誰與○九醞醞雪乳和
金盤月邊清露壽陽驕駭單于踈賤不堪充數弄玉
排簫許瓊揮拍胎禽飛舞待先生披著羊裘鶴縵作

馬莊父

詞選卷五

園林主

水龍吟 海棠

東君直是多情好花一夜都開盡杏梢零落藥欄遲
暮不教空靜風度秋千日移簾幕翠紅交映正太真
浴罷西施濃抹都沈醉嬌相稱○磨遍綠窓銅鏡挽
春衫不堪比並暮雲空谷佳人何處碧苔侵逕睡裏
相看酒邊凝想許多風韻問因何却欠一些香味惹
旁人恨

臨江仙 上元

人意舒閑春事到徐_二弄日微雲翠鬟飛繞鬧蛾羣
烟橫沽酒市風轉落梅村○歲事一新人半舊相逢
際晚醺_二花間亭館柳間門尅除風雨外排日醉紅
裙

月華清 憶別

瑟_二秋聲蕭_二天籟滿庭搖落空翠數遍丹楓不見
葉間題字人何處千里嬋娟愁不斷一江流水遙睇
見征鴻幾點碧天無際○悵望月中仙桂問竊藥佳
人誰與同歲把鏡當空照盡別離情意心裏恨莫結
丁香琴上曲休彈秋思怕裏又悲來老却蘭臺公子
○賀聖朝 春遊

遊入拾翠不知遠被子規呼轉紅樓倒影背斜陽墜
幾聲絃管○茶縻香透海棠紅淺恰平分春半花前
一笑不須慳待花飛休怨

魚遊春水怨別

池塘生春草數盡歸鴻人未到天涯目斷青鳥尚賒
音耗曉月頻窺白玉堂暮雨還濕青門道巢燕引雛
乳鶯空老○庭際香紅倦掃乾鵲休來枝上噪前回
準擬同它翻成病了欲題紅葉憑誰寄獨抱孤桐無
心挑眉間翠攢鬢邊霜早

海棠春春景

柳腰暗怯花風弱紅映秋千院落歸逐燕兒飛斜撼
真珠箔○滿林翠葉胭脂萼不忍頻覷着護取一
庭春莫彈花間鵲

鷓鴣天閨思

睡鴨裊回烟縷長日高春困不成粧步歌草色金蓮
潤撚斷花鬢玉笋香○輕洛浦笑巫陽錦紋親織寄
檀郎兒家閉戶藏春色戲蝶遊蜂不敢狂未二句有
深意

歸朝懽春遊

聽得提壺沽美酒入道杏花深處有杏花狼藉鳥啼

風十分春色今無九麝煤銷永晝青烟飛上庭前柳
画堂深不寒不煖正是好時候○團團○寶月憑纖手
暫借歌喉招舞袖真珠滴破小槽紅香肌縮盡纖羅
瘦投分湏白首黃金散與親和舊且銜盃壯心未落
風月長相守

孤鷺早春

沙堤香軟正宿雨初收落梅飄滿可柰東風暗逐馬
蹄輕捲湖波又還漲綠粉墻陰日融烟煖驀地刺桐
枝上有一聲春喚○任酒帘飛動画樓晚便指數燒
灯時節非遠陌上叫聲好是賣花行院玉梅對粧雪

折開蛾兒象生嬌顫歸去爭先戴取倚宝釵雙燕

阮郎歸 西湖春暮

清明寒食不多時香紅漸稀番騰粧束鬧蘇堤留
春○恁知○花褪雨絮沾泥凌波寸不移三○兩○
叫舡兒入歸春也歸

姜堯章

名夔號白石道人 中興詩家名流詞

極精妙不減清真樂府其間高處有美

成所不能及善吹簫自製曲初則率意為長短

句然後協以音律云居鄱陽

探春慢過茗雪別鄭次臯諸君

衰草愁烟亂鴉送日風沙回旋平野拂雪金鞭欺寒
 茸帽還記章臺走馬誰念漂零久謾贏得幽懷難寫
 故人清沔相逢小窓閑共情話○長恨離多會少重
 訪問竹西珠淚盈把鴈磧沙平漁汀人散老去不堪
 遊冶無奈茗溪月又喚我扁舟東下甚日歸來梅花
 亂零春夜

一萼紅 人日長沙登定王臺

古城陰有官梅幾許紅萼未宜簪池面冰膠墻腰雪
 老雲意還又沉翠藤共閑穿徑竹漸笑語驚起卧
 沙禽野老林泉故王臺榭呼喚登臨○南去北來何
 事蕩湘雲楚水目極傷心朱戶黏雞金盤簇燕空嘆
 時序侵尋記曾共西樓雅集想垂柳還裊萬絲金待
 浮歸鞍到時只怕春深

揚州慢 中呂宮 淳熙丙申至日余過維揚夜

雪初霽齊麥弥望入其城則四顧蕭條寒水
 自碧暮色漸起戍角悲吟予懷愴然感慨今
 昔因自度此曲千岩老人以為有黍離之悲
 也○此後凡載宮調者並是自製曲

淮左名都竹西佳處解鞍少駐初程過春風十里盡
 齊麥青自胡馬窺江去後廢池喬木猶厭言兵漸

黃昏清角吹寒都在空城○杜郎俊賞算如今重到
須驚縱豈寇詞工青樓夢好難賦深情二十四橋仍
在波心蕩冷月無聲念橋邊紅藥年二知為誰生

○驀山溪題錢氏溪月

與鷗爲客綠野留吟屐兩行柳垂陰是當年仙翁手
植一亭寂寞烟外帶愁橫荷蕀二展涼雲橫卧虹千
尺○才因老盡秀句君休覓萬綠正迷人更愁入山
陽夜笛百年心事惟有玉欄知吟未了放艇回月下
空相憶

點絳脣 丁未冬過吳松

燕鴈無心太湖西畔隨雲去數峯清苦商畧黃昏雨
○第四橋邊擬共天隨住今何許凭闌懷古殘柳參
差舞

○暗香仙呂宮 辛亥之冬予載雪詣石湖止既

月授簡索句且徵新聲作此兩曲石湖把玩
不已使工妓隸習之音節諧婉乃命之曰暗

香疎影

舊時月色算幾番照我梅邊吹笛喚起玉人不管清
寒與攀摘何遜而今漸老都忘却春風詞筆但怪得
竹外疎花香冷入瑤席○江國正寂二嘆寄與路遙

夜雪初積翠尊易泣紅萼無言耿相憶長記曾携手
處千樹壓西湖寒碧又片吹盡也幾時見得

疎影仙呂宮

苔枝綴玉有翠禽小枝上同宿客裏相逢籬角黃
昏無言自倚脩竹昭君不慣胡沙遠但暗憶江南江
北想珮環月夜歸來化作此花幽獨猶記深宮舊
事那人正睡裏飛近蛾綠莫侶春風不管盈早與
安排排金屋還教一片隨波去又却怨玉龍哀曲等恁
時重覓幽香已入小窓橫幅

長亭怨慢中呂宮桓大司馬云昔年種柳依

漢南今看搖落悽愴江潭樹猶如此人何似
堪此語予深愛之

漸吹盡枝頭香絮是處人家綠深門戶遠浦縈回暮
帆零亂向何許閱人多矣誰得似長亭樹若有情
時不會得青如此日暮望高城不見只見亂山
無數韋郎去也恁恁得玉環分付第一是早歸來
怕紅萼無人為主算只有并刀難剪離愁千縷

齊天樂蟋蟀中都呼為促織

庾郎先自吟愁賦凄更聞私語露濕銅鋪苔侵石
井都是曾聽伊處哀音似訴正思婦無眠起尋機杼

詞選卷六
曲^二屏山夜涼獨自甚情緒○西窓又吹暗雨為誰
頻斷續相和砧杵候館吟秋離宮吊月別有傷心無
數幽詩謾與笑籬落呼灯世間兒女寫入琴絲一聲
^二更苦宣政間有士大夫製蟋蟀吟

小重山令 潭州紅梅

人繞湘臯月墜時斜橫花樹小浸愁漪一春幽事有
誰知東風冷香遠茜裙歸○鷗去昔遊非遙憐花可
^二夢依^二九疑雲杳斷魂啼相思血都沁綠筠枝

鷓鴣天 元夕不出

憶昨天街預賞時柳慳梅小未教知而今正是歡遊

夕却怕春寒自掩扉○簾寂^二月低^二舊情唯有絲
都詞芙蓉影暗三更後卧聽鄰娃笑語歸

鷓鴣天 茗溪記所見

京洛風流絕代人因何風絮落溪津籠鞋淺出鴉頭
鞮知是凌波縹緲身○紅乍笑綠長嘖與誰同度可
憐春鴛鴦獨宿何曾慣化作西樓一縷雲

鷓鴣天 十六夜出

輦路珠簾兩行垂千枝銀燭舞僛^二東風歷^二紅樓
下誰識三生杜牧之○歡正好夜何其明朝春過小
桃枝鼓聲漸遠遊人散惆悵歸來有月知

言邊卷六
八
憶王孫番陽彭氏小樓

冷紅葉二下塘秋長與行雲共一舟零落江南不自
由兩綢繆料得吟鸞夜二愁

湘月双調即念奴嬌之鬲指聲也

五湖舊約問經年底事長負清景暝入西山漸喚我
一葉夷猶乘興倦網都收歸禽時度月上汀洲冷中
流容與画撓不點清鏡○誰解喚起湘靈煙鬟霧鬢
理哀絃鴻陣玉塵談玄歎坐客多少風流各勝暗柳
蕭二飛星苒二夜久知秋信鮪魚應好舊家樂事誰
省

念奴嬌吳興荷花

闌紅一舸記來時長與鴛鴦為侶三十六陂人未到
水佩風裳無數翠葉吹涼玉容銷酒更洒菰蒲雨媽
然搖動冷香飛上詩句○日暮青蓋亭二情人不見
爭忍凌波去只恐舞衣寒易落愁入西風南浦高柳
垂陰老魚吹浪留我花間住田二多少幾回沙際歸
路

惜紅衣吳興荷花 無射宮

簾枕邀涼琴書換日睡餘無力細洒冰泉并刀破甘
碧墻頭喚酒誰問訊城南詩客岑寂高樹晚蟬說西

言選卷六
風消息。虹梁水陌魚浪吹香紅衣半狼藉。維舟試望故國渺天北。可惜柳邊沙外不共美人遊。歷問甚時同賦三十六陂秋色。

琵琶仙 吳興感遇

雙槳來時有人侶。舊曲桃根桃葉。歌扇輕約飛花蛾眉正竒絕。春漸遠汀洲自綠更添了幾聲啼鴉十里揚州三生杜牧前事休說。○又還是宮燭分煙奈愁裏匆_二換時節都把一襟芳思與空階榆莢千萬縷藏鴉細柳爲玉尊起舞回雪想見西出陽關故人初別

秋宵吟 越調

古簾空墜月皎坐久西窓人悄蛩吟苦漸漏永丁_二箭壺催曉引涼颼動翠葆露脚斜飛雲表因嗟念侶去國情懷暮帆煙草○帶眼銷磨爲近日愁多頓老衛娘何在宋玉歸來兩地暗縈繞搖落江楓早嫩約無憑幽夢又杳但盈_二泪洒單衣今夕何夕恨未了

少年遊 歲張斗甫

雙螺未合雙蛾先歛家在碧雲西別母情懷隨郎滋味桃葉渡江時○扁舟載了匆_二去今夜泊前溪楊柳津頭梨花牆外心事兩人知

高溪梅令仙呂調無錫婦寓意

好花不與殢香人。浪粼。又恐春風歸去。綠成陰。玉
鈿何處尋。木蘭雙槳夢中雲。小橫陳。謾向孤山。下
覓盈。翠禽啼一春。

淒涼犯仙呂調犯商調 合肥秋夕

綠楊巷陌西風起。邊城一片離索。馬嘶漸遠。人歸甚
處。戍樓吹角。情懷正惡。更衰草寒煙淡薄。但當時將
軍部曲。迤邐度沙漠。追念西湖上。小舫携歌。晚花
行樂。舊遊在否。想如今翠凋紅落。謾寫羊裙等新鴈
來時。繫着怕匆。不肯寄與。悞後約。

翠樓吟雙調 武昌安遠樓成

月冷龍沙。塵清虎落。今年漢酺初賜。新翻胡部曲。聽
氈幕元戎歌吹。層樓高峙。看檻曲縈紅。簷牙飛翠。人
姝麗。粉香吹下。夜寒風細。此地宜有詞仙。擁素雲
黃鶴。與君遊戲。玉梯凝望久。歎芳草萋萋。千里天涯
情味。仗酒祓清愁。花嬌英氣。西山外。晚來還捲一簾
秋霽。

清波引梅

冷雲迷浦。倩誰喚玉妃起舞。歲華如許。野梅弄眉嫵。
屐齒印蒼蘚。漸為尋花來去。自隨秋鴈南來。望江國

渺何處○新詩謾與好風景長是暗度故人知否抱
幽恨難語何時共漁艇莫負滄浪煙雨况有清夜啼
猿怨人良苦

法曲獻仙音

張彥幼官舍

虛閣籠寒小簾通月暮色偏憐高處樹隔離宮水平
馳道湖山盡入尊俎柰楚客淹留又砧聲帶愁去屢
回顧○過秋風未成歸計誰念我重見冷楓紅舞喚
起淡粧人問逋仙今在何許象筆寫牋甚而今不道
秀句怕平生幽恨化作沙邊煙雨

玲瓏四犯

越一歲暮聞簫鼓感懷

壘鼓夜寒垂灯春淺匆二時事如許倦遊歡意少俛
仰悲今古江淹又吟恨賦記當時送君南浦萬里乾
坤百羊身世惟有此情苦○揚州柳垂官路有輕盈
喚馬端正窺戶酒醒明月下夢逐潮聲去文章信美
知何用謾贏得天涯羈旅教說與春來要尋花伴侶

淡黃柳

正平調近

客合肥

空城曉角吹入垂楊陌馬上單衣寒惻二看盡鵝黃
嫩綠都是江南舊相識正岑寂○明朝又寒食強携
酒小橋宅怕梨花落盡成秋色燕二飛來問春何在
唯有池塘自碧

側犯詠芍藥

恨春易去甚春却向揚州住微雨正繭栗梢頭弄詩
句紅橋二十四摠是行雲處無語漸半脫宮衣笑相
頤○金壺細葉千朶圍歌舞誰念我鬢成絲來此共
尊俎後日西園綠陰無數寂寞劉郎自修花譜

眉嫵亦名百宜嬌 戲張仲遠

看垂楊連苑杜若吹沙愁損未歸眼信馬青樓去重
簾下娉婷人妙飛燕翠尊共款聽艷歌郎意先感便
携手月地雲堦裏愛良夜微煖○無限風流疎散有
暗藏弓履偷寄香翰明日聞津鼓湘江上催人還解

春纜亂紅萬點悵斷菟煙水遙遠又爭侶相携乘一
舸鎮長見

石湖仙 越調 壽石湖居士

松江煙浦是千古三高遊衍佳處須信石湖仙侶鴟
夷翩然引去浮雲安在我自愛綠香紅舞容與看世
間幾度今古○盧溝舊曾駐馬為黃花閑吟秀句見
說胡兒也學綸巾歌雨玉友金蕉玉人金縷緩移箏
柱聞好語明年定在槐府

解連環

玉鞍重倚却沉吟未上又縈離思為大喬能撥春風

小喬妙移箏鴈啼秋水柳怯雲鬆更何必十分梳洗
道郎携羽扇那日隔簾半面曾記○西窓夜涼雨霽
歎幽歡未足何事輕弃問後約空指薔薇算如此溪
山甚時重至水驛灯昏又見在曲屏近平聲底念惟
有夜來皓月照伊自睡

玉梅令高平調石湖畏寒不出作此戲之

疎雪片散入溪南苑春寒鎖舊家亭館有玉梅幾
樹背立怨東風高花未吐暗香已遠○公來領客梅
花能勸花長好願公更健便探春為酒剪雪作新詩
拚一日繞花千轉

踏莎行金陵感夢

燕二輕盈鶯二嬌軟分明又向華胥見夜長爭得薄
情知春初早被相思染○別後書詞別時針線離魂
暗逐郎行遠淮南皓月冷千山冥二歸去無人管

八歸湘中送胡德華

芳蓮墜粉踈桐吹綠庭院暗雨乍歇無端抱影銷魂
處還見篠牆螢暗蘚階蛩切送客重尋西去路問水
面琵琶誰撥最可惜一片江山摠付與啼鴉○長恨
相從未款而今何事又對西風離別渚寒烟淡棹移
人遠縹緲行舟如葉想文君望久倚竹愁生步羅韞

歸來後翠尊雙飲下了珠簾玲瓏閑看月

高賓王

名觀國號竹屋詞名竹屋癡語陳造為序稱其與史邦卿皆秦周之詞所作要

是不經人道語其妙處少游美成若唐諸公亦未及也

玉胡蝶 秋思

喚起一襟涼思未成晚雨先做秋陰楚客悲殘誰解此意登臨古臺荒斷霞斜照新夢黯微月疎砧總難禁盡將幽恨分付孤斟○從今倦看青鏡既遲勲業可負煙林斷梗無憑歲華搖落又驚心想尊汀水雲

愁疑開蕙帳猿鶴悲吟信沈故園歸計休更侵尋

喜遷鶯 秋懷

涼雲歸去再約着晚來西樓風雨水靜簾陰鷗閑旅影秋到露汀煙浦試省喚回幽恨盡是愁邊新句倦登眺動悲涼還在殘蟬吟處○淒楚空見說香鎖霧高心似秋蓮苦宝瑟彈冰玉臺窺月淺黛可憐偷聚幾時翠溝題葉無復綉簾吹絮鬢華晚念庾郎情在風流誰與

玉樓春 春思

多時不踏章臺路依舊東風芳草渡鶯聲喚起水邊

情日影多開花上霧○謝娘不信佳期誤認得馬嘶
迎綉戶今宵翠被不春寒只恐香穠春又去

玉樓春 憶舊

春煙澹生春水曾記芳洲蘭棹艤岸花香到舞衣
邊汀草色分歌扇底○棹沈雲去情千里愁壓雙鴛
飛不起十年春事十年心怕說濺裙當日事

菩薩蠻 蘇堤芙蓉

紅雲半壓秋波急艷粧泣露嬌啼色佳夢入仙城風
流石曼卿○宮袍呼醉醒休捲西風錦明日粉香殘
六橋煙水寒

菩薩蠻 水晶膽

玉鱗熬出香凝軟并刀斷處冰絲顫紅縷間堆盤
明相映寒○纖柔分勸處膩滑難停筯一洗醉魂清
真成醒酒冰

菩薩蠻 春思

春風吹綠湖邊草春光依舊湖邊道玉勒錦障泥少
年游冶時○煙明花似綉且醉旗亭酒斜日照花西
歸鴉花外啼

杏花天 春愁

霽煙消處寒猶嫩乍門巷惜畫永池塘夢草蒐初

醒秀句吟春未穩。○仙源阻春風瘦損。又燕子來無
芳信。小桃也自知人恨。滿面羞紅難問。

祝英臺近 閨思

一牕閑孤燠。冷獨自箇春睡。綉被熏香。不似舊風味。
靜聽滴。簷聲驚愁。攪夢更不管庾郎心醉。○念芳
意一併十日春寒。梅花照憔悴。懶做新詞。春在可憐
裏。幾時挑菜踏青。雲沈雨斷。盡分付楚天之外。

生查子 梅

香驚楚驛寒。瘦倚湘筠暮。一笛已黃昏。片月尤清楚。
○沉。冰玉覓。漠。煙雲浦。酸淚不成彈。又向春心

聚

永遇樂 次韻吊青樓

淺暈脩蛾。脆痕紅粉。猶記窺戶。香斷奩空。塵生砌冷。
誰喚青鸞舞。春風花信。秋宵月約。歷。此心曾許。銜
芳恨。千年怨結。玉骨未應成土。○木蘭艇子。莫愁何
在。謾繫寒江烟樹。事逐雲沈。情隨佩冷。短夢分今古。
一杯遙夜。孤光難曉。多少碎人腸處。空淒黯。西風細
雨。盡吹淚去。

御街行 賦轎

藤筠巧織花紋細。稱穩步如流水。踏青陌上雨初晴。

詞選卷六
嫌怕濕文鴛雙履要人送上逢花須住才過處香風
起○裙兒挂在簾兒底更不把牕兒閉紅_二白_二簇
花枝恰稱得尋春芳意歸來時晚紗籠引道扶下人
微醉

霜天曉角 春情

春雲粉色春水和雲濕試問西湖楊柳東風外幾絲
碧○望極連翠陌蘭橈雙槳急欲訪莫愁何處旗亭
在画橋側

卜算子 春晚

屈指數春來彈指驚春去簷外蛛絲網落花也要留

春住○幾日喜春晴幾夜愁春雨十二彫牕六曲屏
題遍傷春句

踏莎行 九日西山

水減堤痕秋生屐齒瘦筇喚起登高意翠微烟冷夢
淒涼黃花香晚人憔悴○懷古風流悲秋情味紫萸
勸入旗亭醉玉人相見說新愁可憐又濕西風淚

風入松 春晴

捲簾日_二恨春陰寒食新晴馬蹄只向南山去長橋
愛花柳多情紅外風嬌日暖翠邊水秀山明○杜郎
歌酒過平生到處蓬瀛醉魂不入重城晚穠歡寄桃

詞選卷六
葉桃根綉被嫩寒清曉鶯聲喚醒春醒

風入松聞鄰女吹笛

粉嬌曾隔翠簾看橫玉聲寒夜深不管柔荑冷櫻朱
度香噴雲鬟霜月搖二吹落梅花軟二驚殘○蕭郎
且放鳳簫閑何處驂鸞靜聽三弄霓裳罷魂飛斷愁
裏關山三十六宮天近念奴却在人間

思佳客秋扇

入手西風意已秋不須玉斧爲重修撲螢涼夜沉二
月障面清歌澹二秋○休棄置且遲留可憐又向篋
中收莫教暗損乘鸞女漢殿淒涼萬古愁

聲二慢元夕

壺天不夜宝炬生香光風蕩搖金碧月艷冰痕花外
峭寒無力歌傳翠簾盡捲誤驚回瑤臺仙跡禁漏促
拚千金一刻未酬佳夕○捲地香塵不斷最得意輸
它五陵狂客楚柳吳梅無限眼邊春色鮫綃暗中寄
與待重尋行雲消息乍醉醒怕南樓吹斷曉笛

解連環春水

浪搖新綠浸芳洲翠渚雨痕初足蕩霏色流入橫塘
看風外漪二皺紋如縠藻荇縈迴似留戀鴛飛鷗浴
愛嬌雲蘸色媚日投藍遠迷心目○仙源漾舟岸曲

照芳容幾樹香浮紅玉記那回西洛橋邊濺裙翠傳
情玉纖輕掬三十六陂錦鱗渺芳音難續隔垂楊故
人望斷浸愁千斛

中興以來絕妙詞選卷之六



